

## B A S E S

1.- OBXECTO DA CONVOCATORIA.- Ten por obxecto a presente convocatoria contratar a un/ha socorrista –monitor de cursos para as Piscinas Municipais durante o Campus deportivo-cultural 2011 mediante contrato laboral de duración determinada.

2.- CONDICIÓNS.- Duración do contrato: Do 12 de xullo ao 26 de agosto de 2011.

O horario laboral será media xornada.

Percibirá a cantidade mensual bruta de 546,72 euros brutos/mensuais por tódolos conceptos incluídas a parte correspondente das pagas extraordinarias.

3.- CONDICIÓNS DOS ASPIRANTES.- Para poder tomar parte na presente convocatoria, os aspirantes deberán estar en posesión, antes de solicitar a oferta ó I.N.E.M. con data cinco de xullo de 2011, dos seguintes requisitos:

a) Ser español/a ou posuír a nacionalidade de calquera dos Estados membros da Unión Europea ou dalgún dos Estados aos que sexa de aplicación a libre circulación de traballadores/as nos termos definidos no Tratado Constitutivo da Unión Europea, en virtude dos Tratados Internacionais celebrados pola Unión Europea e ratificados por España, todo elo nos termos do artigo 57 do Estatuto Básico do Empregado Público.

b) Ter cumpridos os 16 anos de idade, e non superar a idade máxima de xubilación.

c) Non padecer enfermidade ou defecto físico ou psíquico que impida o desempeño das funcións do cargo.

d) Que non fora ou estea separado mediante expediente disciplinario do servizo da Administración Local ou doutras Administracións Públicas, nin estar inhabilitado para o exercicio de funcións públicas.

e) Estar en posesión da titulación de socorrista – salvamento acuático (será suficiente se foi obtida nalgunha das seguintes entidades: Cruz Vermella, Protección Civil, Academia Galega de Seguridade, CESFORM-Vigo, Federación Nacional de Socorrismo, Federación Galega de Socorrismo, IDISSA (Fundación para la investigación, desenvolvemento e innovación en salvamento, socorrismo y actividades), SADEGA S.L. e Universidade da Coruña).

4.- ADMISIÓN DOS ASPIRANTES.- Para seren admitidos a tomar parte no proceso de selección, os aspirantes manifestarán na instancia dirixida ó Sr. Presidente da Fundación Cultural A Estrada, que reúnen todas e cada unha das condicións sinaladas no artigo nº 3 destas Bases.

Con ela acompañaranse compulsadas:

a) Fotocopia do D.N.I.

b) Certificado médico no que se faga constar que o aspirante non sofre impedimento físico para desempeña-la actividade de referencia

c) Xustificante de coñecemento de lingua galega ( Celga 2 ou equivalente), de posuilo.

d) Xustificante da titulación esixida.

#### 5.- TRIBUNAL CUALIFICADOR.

Estará constituído polos seguintes membros actuando todos con voz e voto:

##### **Presidente:**

Titular: D. Carlos Andújar Mato

Suplente: D. Valentín García Gómez

##### **Secretaria:**

Titular: Dna. Margarita Rodríguez Blanco

Suplente: Dna. Sara Neira Verde

##### **Vogais:**

Titular: D. Javier Ramos Calvelo

Suplente: D. Alexander Torres Chao

Titular: D. Diego Pernas Fernández

Suplente: D. José Manuel Marque Marque

Titular: D. José Manuel Vigide Rivadulla

Suplente: D. Henrique Vázquez Pernas

Os membros do Tribunal poderán recabar o apoio de cantos asesores consideren oportuno.

Unha vez obitada a lista de aspirantes do I.N.E.M, procederase ó chamamento de todos os candidatos co obxecto de que o venres día 8 de xullo de 2011 antes das 14:00h. presenten a documentación sinalada anteriormente, seguidamente publicárase a relación de admitidos e excluídos ás probas. A data para a realización dos exercicios será o luns día 11 de xullo ás 9:00h. Os aspirantes excluídos, poderán no prazo de 1 día, subsanar ou enmendar, no seu caso, o defecto que houbera motivo a exclusión

6.- EXERCICIOS OBRIGATORIOS.- Os/as interesados/as presentaranse na Fundación Cultural A Estrada, con dirección en Avda. Benito Vigo, nº104, Edificio de Usos Múltiples – 2º andar, o luns día 11 de xullo de 2011, co gallo de levar a cabo dúas probas escritas, unha tipo test e un caso práctico.

As probas valoraranse de 0 a 10 puntos.

Proba tipo test – máximo 4 puntos

Caso práctico – máximo 6 puntos

#### PROBA DE GALEGO

Os/as aspirantes que non demostren o coñecemento da lingua galega a través do correspondente certificado (Celga 2 ou equivalente) terán que realizar obrigatoriamente unha proba específica que demostre tal coñecemento consistente nunha tradución do castelán ao galego, nun tempo máximo de 10 minutos. Serán cualificados como aptos/as os/as aspirantes que realicen a tradución completa no tempo indicado. No caso de non realizar a tradución completa serán considerados non aptos.

7.- PUBLICACIÓN DE RESULTADOS E PUBLICACIÓN.- Rematado os exercicios obrigatorios, o Tribunal publicará a relación de aprobados por orde de puntuación. A persoa que consiga maior puntuación será proposta ó Presidente da Fundación para que faga o nomeamento e se formalice o contrato. Non se poderá propoñer a máis persoas das prazas convocadas.

8.- FORMALIZACIÓN DO CONTRATO.- A formalización do contrato terá lugar en canto o interesado presente a documentación pertinente.

9.- RECURSOS.- Contra as presentes bases, que remata a vía administrativa, poderá interpoñer, potestativamente, recurso de reposición perante a Fundación Cultural A Estrada, no prazo de un mes contado a partires do día seguinte ó da recepción da presente. Contra a resolución do recurso potestativo de reposición poderá interpoñer recurso contencioso-administrativo perante o Xulgado Provincial do Contencioso-Administrativo con sede en Pontevedra, no seu caso, no prazo de dous meses contado a partires do día seguinte ó da notificación da resolución expresa do nomeado recurso. Se a resolución non fora expresa o prazo para interpoñer-lo recurso contencioso-administrativo será de seis meses contado a partires do día seguinte ó que se produza a desestimación por silencio administrativo.

Non obstante, poderá interpoñer directamente o recurso contencioso-administrativo citado ante o órgano competente da orde xurisdiccional contencioso-administrativa, sen necesidade de interpoñer-lo recurso potestativo de reposición, no prazo de dous meses contado dende o día seguinte ó da notificación da presente. E, todo isto, sen prexuízo de que poida exercitar calquera outro recurso que estime procedente.

O Tribunal deste proceso selectivo queda facultado para a interpretación das bases da convocatoria, así como para resolver cantas dúbidas e incidencias prantexe a súa aplicación, a cuio efecto poderá adopta-los acordos necesarios procurando a boa orde e desenvolvemento do proceso selectivo.

A Estrada, 4 de xuño de 2011

O PRESIDENTE,